

B. N. C.
FIRENZE
1103
10



1103.10

1103

10







CONSPECTUS OPERUM ÆTHIOPICORUM

Quæ ad excudendum parata habet

R. P. Fr. JOAN. MICHAEL VANSLEBIUS

ERFORDIENSIS THURINGUS. ORD. PRÆD.

Filius Conventus Romani S. Mariæ super Minervam.

*Illustrissimo Domino, D. JOANNI BAPTISTÆ
COLBERT, Regi ab intimis Consiliis, & Se-
cretis; Generali Ærarij Moderatori, Summo
Regiorum Ædificiorum Præsæto, Regiorum
Ordinum Quæstori, Marchioni de Seignelay*

EXHIBITUS.



PARISIIS,
E TYPOGRAPHIA REGIA.

OPFERUM

ETHIOPIUM



2132 1103.10



*Fr. JOAN. MICHAEL VANSLEBIUS, Erfordiensis Thuringus, Ord. Prædicatorum, & Filius Conventus Romani S. Maria super Miner-
vam, degens modò Parisiis, in Conventu FF. Prædicatorum, in vico S. Honorati, attulit secum Româ nonnulla Opera Æthiopica Manuscripta, & Prælo parata, quorum Catalogus sequens est.*

- I. **L**IBER SYNODORUM: Complectens
I. Epistolam Zera Jacobi Regis Æthiopia, ad Mo-
nachos Abissinos, Hierosolymis tunc tem-
poris degentes, ad quos hunc librum mitte-
bat, ut illum singulis Sabbatis in sua Congregatio-
ne legerent. Vixit autem hic Rex Zera Jacobus circa
A. Chr. 1437. tempore quo habitum est Concilium Flo-
rentinum, estque ille qui cupiebat Ecclesiam Æthio-
picam reconciliare Romanæ, misitque eâ causâ Lega-
tos ad Pontificem Eugenium IV. qui & eidem scrip-
serat. Quarum literarum summa extat in Relatio-
ne Damiani à Goes de Æthiopum moribus, inser-
ta Tomo II. Hispaniæ illustratæ, fol. 1298. & apud
alios.

OPFERUM

ALPHABETICUM

AD USUM SCHOLARUM

AD USUM SCHOLARUM

AD USUM SCHOLARUM

AD USUM SCHOLARUM

AD USUM SCHOLARUM

AD USUM SCHOLARUM

AD USUM SCHOLARUM

AD USUM SCHOLARUM

AD USUM SCHOLARUM



1103.10



Fr. JOAN. MICHAEL VANSLEBIUS, Erfordiensis Thuringus, Ord. Prædicatorum, & Filius Conventus Romani S. Maria super Mineruam, degens modò Parisiis, in Conventu FF. Prædicatorum, in vico S. Honorati, attulit secum Româ nonnulla Opera Æthiopica Manuscripta, & Prælo parata, quorum Catalogus sequens est.

I.



IBER SYNODORUM: Complectens

I. Epistolam Zera Jacobi Regis Æthiopiæ, ad Monachos Abissinos, Hierosolymis tunc temporis degentes, ad quos hunc librum mittebat, ut illum singulis Sabbatis in sua Congregatione legerent. Vixit autem hic Rex Zera Jacobus circa A. Chr. 1437. tempore quo habitum est Concilium Florentinum, estque ille qui cupiebat Ecclesiam Æthiopicam reconciliare Romanæ, misitque eâ causâ Legatos ad Pontificem Eugenium IV. qui & eidem scripserat. Quarum literarum summa extat in Relatione Damiani à Goes de Æthiopum moribus, inserta Tomo II. Hispaniæ illustratæ, fol. 1298. & apud alios.

II. *Constitutiones Apostolorum S. Clementis Romani*, septuaginta & vno solummodo Canonibus comprehensæ, quarum capita sunt sequentia:

1. Continet commemorationem nominum Apostolorum, qui in condendis his Constitutionibus convenerunt.
2. Agit de correptione illius qui loquitur ea quæ non decet. Item, De dilectione Dei, & proximi.
3. Ne id quod tibi non vis fieri, alteri feceris.
4. Continet enarrationem Præceptorum Decalogi.
5. Ut fideles ab ira, æmulatione, & indignatione sibi caveant.
6. Ne sis concupiscens.
7. Ne sis prava loquens.
8. Ne loquaris per signa, neque per observationes stellarum, neque per incantationes, & similia.
9. Ne sis mendax, neque auri, aut vanæ laudis cupidus.
10. Ut eum qui te Verbum Dei docet, tibi que occasio vitæ est, honores, & alas.
11. Ne schisma facias, sed concilies eos qui inter se dissident.
12. Ut eleemosynas libenter facias.
13. De ordinatione Episcoporum.
14. De ordinatione Lectorum.
15. De ordinatione Diaconorum.
16. De Viduis.
17. De Diaconis, ut sint factores bonorum operum.
18. De Laicis.
19. Recordatio, quod Oblatio sit Corpus Christi.
20. Quod non deceat mulieres in Ecclesia genua flectere, sed stare. Item, De dilectione, & similibus.

21. De ordinatione Episcoporum; & Ordo Missæ.
22. De ordinatione Presbyterorum,
23. De ordinatione Diaconorum.
24. De Confessoribus Christi.
25. De Viduis.
26. De Lectoribus, Virginibus, Subdiaconis, & de gratia sanitarum.
27. De Catechumenis, & de operibus à quibus debent recedere.
28. De alieno populo; & quòd Christiani, si milites fuerint, aut Astronomi, aut Venefici, &c. expelli debeant.
29. De Concubinis, qua conditione ad fidem sint recipiendæ.
30. De tempore audiendi sermonem post opera.
31. De oratione audientium, eorumque consalutatione.
32. De impositione manuum super Catechumenos.
33. Quod ij qui baptizandi sunt, prius examinari debeant de ipsorum vita, & moribus.
34. De ordine Baptismi, Doctrina fidei, Confessione peccatorum in Baptismo; & Ordo Missæ.
35. De Viduis, & Virginibus; & quo tempore debeat jejunare Episcopus.
36. De tempore quo licet comedere; & quod Catechumenis non liceat cum fidelibus comedere.
37. Quod cuncti silere debeant in Agapis quando loquitur Episcopus; & quod quando ipse non adfuerit, fideles panem benedictum de manu Presbyteri, aut Diaconi sumere debeant.
38. De Agapis quæ fiunt pro Viduis.

39. De Primogenitis, & fructuum primitiis ad Episcopum deferendis, eorundemque nominibus.
40. Quod nulli hominum quidquam gustare liceat in jejuniis Paschæ.
41. Quod Diaconi obedire debeant præcepto Episcoporum.
42. De temporibus quibus fideles orationes facere debent.
43. Quod non liceat quidquam de Eucharistia gustare ante tempus debitum, & quod illam jejune sumere conveniat.
44. Quod magna cura cavendum, ne quis alius præter fideles de SS. Mysterio sumat, neve quidquam de calice effundatur.
45. Quod Presbyteri, & Diaconi, quotidie ad Episcopum suum convenire debeant.
46. Ordo circa sepulturam mortuorum.
47. De temporibus quibus orandum, audienda Catechesis, & frons cruce signanda.
48. De Donis, & Charismatibus.
49. Quod Magistratus non debeat spernere suos subditos.
50. Quod non omnis qui prophetat famulus Dei sit.
51. Quod Episcopus, qui exigua eruditione præditus, & malevolus est, non sit verus Episcopus.
52. De ordinatione Episcoporum; & Ordo Missæ.
53. De ordinatione Presbyterorum, & Diaconorum. Item, De Diaconissis, Subdiaconissis, & Lectricibus.
54. De Confessoribus Christi.
55. De Virginibus, & Viduis, & de Exorcista.

56. Quod ordinandus Episcopus, à duobus, aut tribus Episcopis ordinari debeat.
57. Quod Episcopus benedicat, & non benedicatur, & quod expellere possit eum qui expelli meretur.
58. Quod Episcopus à solo Episcopo non possit expelli, & quo ordine Clerici sibi invicem benedictionem dare debeant.
59. Quod reliquis Clericis Diaconorum opera facere non liceat.
60. De Primitiis, & Decimis.
61. Quid faciendum de oblationibus quæ superant.
62. De illis qui ad Religionem Christianam ingredi volunt.
63. De artibus, & operibus quæ relinquere debent illi qui Christiani fieri cupiunt.
64. Idem cum præcedente.
65. De temporibus quibus fideles orare debent.
66. De diebus quibus fideles servis suis requiem concedere debent à laboribus.
67. Idem cum præcedente.
68. De temporibus orationum.
69. Quòd quando fideles propter persecutiones in Ecclesia in vnum convenire non possunt; quisque in domo sua orare possit, vel in domo Episcopi.
70. De diebus quibus commemoratio defunctorum fieri debet. It. De juvandis illis, qui propter fidem in exilium mittuntur.
71. De Ordinibus sacris, eorumque limitibus non transgrediendis.

Harum Constitutionum duas quoque habeo versiones Arabicas diversas, quarum vna exacté textui meo

Æthiopico respondet, estque ex Græco facta: altera verò divisa est in octo libros sicut Græcum exemplar Turriani, à quo tamen nihilominus in multis differt.

III. *Sunt LV. Canones Apostolorum*, iidem qui ab Her-veto, aliisque Græcè & Latine editi sunt, & ab illis vix differunt, nisi numero; illius enim 84. Canones, hîc sunt ad LVI. tantum redacti. Horum Canonum habeo etiam duas diversas translationes Arabicas.

IV. *Sunt LXXXI. Canones Apostolorum*, iidemque quoad sensum cum præcedentibus, solummodo quod longè diffusiores sint, & præcedentium quasi paraphrasis. Hi speciali nomine vocantur ab Abissinis ABTILISAT, habeoque eorundem duas diversas translationes Æthiopicas, & vnam Arabicam.

V. *Sunt eorundem Apostolorum X. Canones, De Ordinatione rerum Ecclesiasticarum.*

1. Est Præceptum Simonis Cananæi, De Ordine Sacerdotij.
2. Præceptum Apostolorum Matthæi, & Simonis; De Decimis, & Primitiis.
3. Præceptum Pauli, De tempore orationum.
4. Præceptum Apostolorum Petri, & Pauli; De requie servorum diebus debitis.
5. Præceptum Apostolorum, De observatione temporum, & horarum orationis.
6. Præceptum Pauli, & Jacobi Apostolorum; De commemoratione defunctorum faciendâ.
7. Eorundem, De modestia Clericorum in Agapis.
8. Eorundem, De exulibus propter fidem juvandis.
9. Præceptum Petri, & Pauli; De Ordine Clericorum invicem servando.

10. Præceptum Pauli, De illis qui ad fidem ingredi cupiunt, & quales esse, vel non esse debeant.

Horum Canonum habeo itidem duas diversas translationes Æthiopicas, & vnam Arabicam.

VI. *Sunt alij triginta Canones Apostolorum*, quibus præmittitur brevis Historia prædicationis Apostolorum, & quædam rationes ob quas eorundem Canones videri possint. Suntque eorundem capita sequentia:

1. Quod Christianorum Oratio versus Orientem fieri debeat.
2. De Sabbato à Christianis observando.
3. De Oratione quarta Feria facienda.
4. De Oratione sexta Feria facienda.
5. De Prælatis constituendis.
6. De Presbyteris constituendis.
7. De Diaconis, Subdiaconis, & Lectoribus constituendis.
8. De Die Nativitatis Christi Domini celebrando.
9. De die Baptismi ejusdem solenniter peragendo.
10. De Jejunio quadragesimali observando, & de Paschate celebrando.
11. De die Ascensionis Christi solenniter peragendo.
12. De lectione Scripturarum in Ecclesia super pulpito facienda, & à populo stante audienda.
13. Eligendus Præsul qualis esse debeat.
14. Qualis non debeat Præsul eligi.
15. Idem cum præcedente.
16. Quinam à Prælatura removendi sint.
17. Quinam item Diaconi & Subdiaconi ab ordine deponendi sint.
18. Idem cum præcedente.

19. De iis qui ad fidem ingredi cupiunt.
20. Præsul qualem se gerere debeat in suo munere.
21. De commemoratione Martyrum in Ecclesia facienda.
22. De ordine Orationum.
23. De numero Clericorum.
24. De correptione, & excommunicatione Præsulis.
25. Idem cum præcedente.
26. De Chorepiscopo eligendo.
27. De loco quo Imperator in Ecclesia stare debet.
28. De iis quæ Imperatorem in Ecclesia agere non licet.
29. De debito Prælatorum.
30. De Pane oblationis non asservando.

Sequitur deinceps prolixus Epilogus, in quo inter cætera denuò nonnullæ afferuntur rationes, ob quas veri Apostolorum Canones videri possint. Horum Canonum habeo quoque vnam versionem Arabicam.

VII. *Est* EPISTOLA PETRI ad CLEMENTEM.: In cuius prima parte variæ continentur, tum prohibitiones, tum exhortationes Petri ad Clementem.

2. Recensentur Festa à fidelibus celebranda.
3. Tractat de consecratione Altarium.
4. De ordine Altarium.
5. De Vestibus Sacerdotalibus.

Hanc Epistolam Petri habeo quoque Arabicè.

De omnibus hætenus enarratis Canonibus hoc quoque obiter monendum duxi; quòd Abissini illos modò Synodos Apostolorum, modò Canones Apostolorum, modò specialiter MENDA, item ABTILIS, & ABTILISAT, vocent.

Quantæ porrò iidem Canones sint authoritatis apud eos-

dem Abissinos, intelligi potest ex Confessione fidei Zega Zeab, Legati DAVIDIS Regis Æthiopiæ ad JOANNEM III. Portugalliæ Regem, quam Latine edidit Damianus à Goes, Eques Lusitanus, & legitur Tom. II. Hispaniæ illustratæ, fol. 1303. vbi sequentia habentur: *Jam his enumeratis, erit nobis explicanda disciplina, & doctrina, & lex, quæ Apostoli in sanctis Synodorum libris, & Canonum, quos MENDA, & ABTILIS vocamus, nobis præceperunt. Sunt enim ij sanctæ Ecclesiæ legum libri octo apud nos, quos omnes Apostoli Hierosolymis congregati, scripserunt. De quibus habita inquisitione cum quibusdam Doctoribus, postquàm in Lusitaniam veni, neminem reperi, qui horum memoriam teneret.*

Quòd verò Zega Zeab octo librorum Canonum Apostolicorum hîc mentionem faciat, ego verò sex tantùm exhibeam, sit quòd reliquos duos nondum mihi videre in lingua Æthiopica contigerit; nihilominus habeo illos Arabicè, quorum vnus vocatur DIDASCALIA, id est, *Doctrina Apostolica*, xxxix. Canonibus comprehensa; alter AHAM IRROSSL, id est, *Judicia*, seu *Decreta Apostolorum*, in li. Canones distincta. De quibus vix aliquid hætenus in Europa auditum est; neque enim reperiuntur in Bibliothecis Vaticana, & Christianissimi Galliarum Regis: libenter tamen ea omnia bono publico promovendo expromere cupio, si à me desiderabuntur.

VIII. *Sunt nonnulla Concilia, partim Universalia, & partim Provincialia, videlicet:*

- I. *Concilium Ancyranum, xxiv. Canonum.*
- II. *Concilium Neocæsareense, xiv. Canonum.*
- III. *Concilium Laodicanum, lix. Canonum.*

IV. *Concilium Gangrense*, XX. Canonum. Quæ omnia quoque Arabicè habeo.

V. *Concilij Nicani* XX. Canones; cujus Concilij etiam duas versiones Arabicas habeo, vnam ex Copto, alteram ex Græco exemplari factam, cum *Historia Concilij Nicani*, quam ABRAHAM ECHELLEN-
SIS jam olim Latinè edidit, & Parisiis excusa est.

VI. *Concilij Nicani* LXXXIV. Canones; quorum rubricæ sunt sequentes:

1. Ne Demoniacus ordinetur.
2. De ordinatione servorum, quos ipsorum Domini castraverunt.
3. Ne recenter baptizati, statim ordinentur.
4. Ne Episcopi, & reliqui Clerici cohabitent mulieribus.
5. Ne Episcopi fiant in aliqua Provincia, vel loco, nisi voluntate Episcoporum illius Provinciæ.
6. Quod non oporteat excommunicatum suscipere.
7. De Synodo Episcoporum bis in anno apud Metropolitam habenda.
8. De Patriarcha Alexandriæ, reliquarumque Provinciarum.
9. De ordinatione Episcopi facienda cum consensu Metropolitanæ.
10. De honore Archiepiscopi Hierosolymitani.
11. De probatione Clericorum antequàm ordinentur.
12. Ne Gentiles Christiani facti statim ordinentur.
13. Quòd Clericis non liceat pro lubitu ab Ecclesia sua discedere.
14. Est idem cum præcedente.
15. Ne quis fiat Monachus sine licentia Episcopi.

16. Ne Clerici exerçant vsuram.
17. Ne Diaconus communicet ante Presbyterum.
18. Quòd omnes qui ex hæresi Pauli Samosatani ad Ecclesiam Dei revertuntur, iterùm baptizari debeant.
19. Quòd Moniales ex modò dicta hæresi ad Catholicam fidem se convertentes, iterùm baptizari debeant.
20. Quomodo se gerendum cum Hæreticis qui ad fidem Catholicam revertuntur.
21. De iis qui Christum abnegaverunt, & postmodùm ad fidem Catholicam se convertunt.
22. Ne fideles commercium habeant cum Veneficis, & Divinis.
23. De Matrimonio fidelium cum matribus spiritualibus.
24. Ne viri suscipiant puellas in Baptismo, neve feminae pueros.
25. Ne quis filio suo filiam suam spirituales, & contra, in matrimonium det.
26. Ne quis duas vxores simul habeat.
27. Ne Presbyteri aliquem à communione arceant ex ira.
28. Ne Presbyteri suscipiant sponsiones.
29. Ne mulieres menstruatae ingrediantur Ecclesiam.
30. Quòd Presbyteri non debeant oblationes accipere ab excommunicatis.
31. Ne Clerici sint malevoli, aut iracundi.
32. Quòd non oporteat genua flectere in magnis Solennitatibus.
33. Quòd non liceat nomina Christianorum miscere in Baptismo cum nominibus Gentilium.

34. Quomodo Hæretici sint suscipiendi, cùm ad Ecclesiam Catholicam revertuntur.
35. Quomodo Hæretici Photiniani, Cathari, & Timotheistæ sint suscipiendi.
36. Quomodo sint suscipiendi illi Hæretici, qui S. Scripturas non immutarunt.
37. De numero Patriarcharum.
38. De discessu Patriarchæ Ephesi.
39. De exaltatione Archiepiscopi civitatum, id est, Seleuciæ.
40. Quòd non liceat Synodum facere in Provincia Persidis.
41. De superioritate, & ordine Patriarcharum.
42. Quòd Æthiopia spectet ad Herum Sedis Alexandrinæ.
43. De gradu Metropolitanì Cypri.
44. De visitatione Patriarchæ suarum Provinciarum.
45. Quòd Episcopi singulis annis bis convenire debeant ad suum Patriarcham.
46. Idem cum præcedente.
47. De Clerico, qui criminis alicujus apud Synodum accusatus, non se sistit.
48. Quòd ad Synodum spectet considerare delicta Clericorum.
49. De sententia Patriarchæ contra Episcopum.
50. De sententia Patriarchæ contra Metropolitanum.
51. Quòd unus Episcopus non debeat solvere quod alter ligavit.
52. Ne hæreditate transmittantur Episcopatus.
53. Ne Clerici fiant simoniacè.
54. Ne in una Provincia resideant duo Episcopi.

55. De uxore, quæ à marito suo aufugit.
56. Quòd Christiani ex omni Religione uxores ducere possint, dummodò ad fidem Christianam se convertant.
57. De electione Abbatis Monasterij.
58. De visitatione Abbatis Ecclesiarum, Monasteriorumque suorum.
59. Quòd Abbas Monasterij cum suis Clericis bis quotannis Metropolitam suum convenire debeat.
60. Idem cum præcedente.
61. Quo loco Metropolita in Ecclesia stare debeat.
62. Ne quis se exalter in Ecclesia super Episcopum, & Abbatem Monasterij.
63. De descriptione ordinum Clericorum habenda, ne inter illos oriatur contentio.
64. De examine ordinandorum instituendo.
65. De Diaconis, ut orent absque cingulis.
66. De numero Clericorum qui in unaquaque Ecclesia esse debet.
67. De Oeconomo, & Procuratore Ecclesiæ constituendo.
68. De commemoratione Metropolitæ in orationibus facienda.
69. De incessu Episcopi, & Archidiaconi ante funus Metropolitæ.
70. De Clericis repudiantibus uxores suas.
71. De recipiendis iis qui pœnitentiam egerunt pro suis delictis.
72. De pœnitentia illius qui duas uxores simul habet.
73. Ne quis filiam, aut sororem suam invitam in matrimonium collocet.

74. De obsequio viri fidelis , mulieri infideli , & vice versa.
75. De Xenodochio , & Hospitio peregrinorum erigendo.
76. De institutione Episcoporum in suas Cathedras.
77. Ne quis Episcopus , aut alius Clericus de loco suo ad alium se transferat lucri causa.
78. Ne Laici sibi eligant Presbyterum , aut Monachi Abbatem inscio Episcopo.
79. De Diaconissis.
80. De pœna Clerici , qui noluit acceptare procurationem Xenodochij.
81. Quòd Monachi , & cæteri Clerici diverso à secularibus habitu debeant incedere.
82. De pœna delinquentis Episcopi.
83. De pœna delinquentis Presbyteri , & Diaconi.
84. De procuratione infirmorum , & pauperum.

Hos Nicæni Concilij Canones Ecclesiam Romanam jam olim magna diligentia quæsisse , eò quòd in illis de ipsius Primatu clarissima testimonia reperiri noverat , Auctor Præfationis Novi Testamenti Æthiopici, Romæ A°. 1548. editi, disertè affirmat; cujus propria verba hîc apponemus: ea verò sunt sequentia. *Illud omninò tacendum non est , Æthiopum beneficio conservatos fuisse sanctæ Synodi Nicænæ Canones , quos Romana Ecclesia tanta diligentia perquisivit , in quibus de Primatu Ecclesiæ Romanæ , etiam ex Decreto Apostolorum , ab illis doctissimis , & optimis Patribus clarissimè , & apertissimè disponitur. Estque Canon iste , in quo illud tam præclarum , de Primatu Romanæ Ecclesiæ testimonium habetur , trigessimus-septimus in ordine.*

Eosdem Canones, multosque alios in eodem Concilio ordinatos, prolixam insuper Historiam Constantini Magni, habeo quoque Arabicè.

IX. Sunt Responsa Canonica PETRI MARTYRIS Patriarchæ Alexandrini, ad quatuordecim quæstiones ipsi ab Episcopis, & Clero propositas, quæ tamen rectius Th. Balsamon in sua collectione Canonum Timotheo, ejusdem Urbis Episcopo adscribit. Hæc non habeo Arabicè.

X. Est Responsum Concilij Carthaginensis ad quæstionem Jubajani Episcopi, sociorumque: Utrum nimirum illi qui ab Hæreticis baptizati sunt, cum ad Ecclesiam Catholicam se convertunt, iterum baptizari debeant. Estque idem cum illo quod reperitur in collectione Canonum Th. Balsamonis. Neque hoc habeo Arabicè.

Hæc omnia quæ hætenus enarravi, (præter Arabica) continentur in hoc libro Synodorum, cujus editionem exopto; eaque non solum genuinè in Latinum converti, sed & cum Codd. Æthiopicis Bibliothecæ Vaticanæ, & Florentinæ, meoque Arabico, exactè contuli, varias lectiones omnes notavi, hiatus ubi erant implevi, & cuncta notis illustravi.

Hujus libri gratia inter cætera Anno 1664. iter in Ægyptum suscipiebam, eo fine, si fortè ibi, vel in Æthiopia illum acquirere possem, instructus ad hoc iter rebus necessariis à quodam Principe Germaniæ. Ex illo enim tanquam libro ab universa Ecclesia Æthiopica recepto, & approbato, scire cupiebam, utrum verum esset quòd Lutherani (quorum hæresi tunc adhærebam) spargunt, Abissinos cum ipsis in dogmatibus fidei consentire. Verùm cum in Ægypto non in-

venirem, aditu autem in Æthiopiam propter gravissima impedimenta prohiberer, & jam reversus ad nostros, LIBURNI commorarer, innotui Serenissimo Magno Duci Etruriæ FERDINANDO II. gloriosæ memoriæ, Principi dum viveret Optimo, literarumque Mecœnati, & Promotori Munificentissimo. Rogatus itaque ab ipso fui, ut repetendo Patriam per Florentiam transirem, ipsumque inviserem. Quo benigno tanti Principis affectu motus, veni, ibique aliquot mensibus substiti. Cumque me frequenter de itinere meo, rebusque Ægypti percontaretur, & aliquando sermo de libris linguarum Orientalium incidisset, ipseque percupidus esset videndi libros Arabicos, & Æthiopicos, quos ex Ægypto attuleram; hac occasione data, petij quoque à Serenissimo Duce licentiam videndi suos libros, qui in Palatio veteri asservantur. Quo obtento, examinatisque omnibus, offendi inter illos, etiam Librum Synodorum lingua Æthiopica exaratum; quo ceu præclaro thesauro reperto, incredibili lætitia afficiebar. Nihilominus cùm illum postea accuratius perlustrarem, percepi in eo non esse Constitutiones Clementis, neque Responsta Canonica Petri Martyris, neque Responsum Concilij Carthaginensis ad Jubajanum Episcopum, sed Concilia solummodò quæ supra recensui, & Canones aliquot Apostolorum, eaque omnia valdè mutila, & mendosa. Ob quam rem postmodum gaudium meum iterùm aliquantulum turbatum fuit.

Dein elapsis aliquot mensibus, cùm Romæ Bibliothecam Vaticanam eadem de causa inviserem, reperi quoque ibi eundem librum, sed nihilo accuratiorem, neque ullatenus auctiorem. Cùm igitur majori cura studioque

scrutarer, quò alicubi correctiorem, & copiosiore
nancisci possem; adeptus sum tandem unum in Hospi-
tio Abissinorum, in quo omnia erant quæ in Vatica-
no, & Florentino desideraveram; complura insuper
alia, quæ modò enarrare non refert. Hunc ergo cum
Abissinorum permissione descripsi. Est autem Arche-
typum hujus nostri libri Synodorum.

Ex hujus porrò libri lectione, Divina favente gratia,
manifestò didici, esse falsissimam Lutheranorum ja-
ctantiam, de concordia ipsorum cum Æthiopibus:
quin immò hoc cognovi, Ecclesiam Æthiopicam (an-
tiquam tamen, & antequam ab Ecclesia Romana de-
fecerat) in omnibus ferè fidei articulis unum idemque
sentire cum eadem Ecclesia Catholica. Comperi enim
ab ea credi:

*Pontificem Romanum esse Caput totius Ecclesiae, & Petri Apo-
stoli legitimum successorem.*

*Petrum esse Principem Apostolorum, Romæ Sedem habuisse, &
ibidem Martyrio coronatum fuisse.*

*Missam esse verum sacrificium incruentum, & propitiatorium.
Panem, & vinum in consecratione mutari in verum corpus, &
sanguinem Christi.*

In summa veneratione traditiones Apostolorum habendas.

*Beatæ MARIÆ Virgini, Sanctisque omnibus cultum exhiben-
dum esse.*

*Exequias, & orationes pro fidelibus defunctis facere esse Aposto-
lorum institutum, & à fidelibus faciendas.*

Aliaque multa quæ Romana Ecclesia, & docet, & se-
quitur; prout clarè ea omnia in Annotationibus ad hunc
librum Synodorum, suo quæque loco à me demon-
strabuntur. Proindeque non dubitavi Hæresin Luthe-

ranorum statim Romæ abjurare, & pro gloria Dei, sanctæque Matris Ecclesiæ defensione calamum arripere, hunc librum interpretari, & notis illustrare, quò tandem universo orbi constet, quàm inane sit Hæreticorum ad Orientales Ecclesias perfugium.

Quod ad historiam hujus libri Synodorum attinet, scriptus is erat in Æthiopia, in Monasterio Alleluja, tempore Abbatis Bebnudæ, prout in fine notatum erat. Postmodum missus fuit à Rege Æthiopiæ ZERA JACOBO Hierosolymam, ad Monachos suæ nationis; tandem Romam delatus est à quodam Monacho Æthiope, Monasterij Gubaë, *Habte Marjam* vocato, ante annos circiter viginti-quinque, ibique modò asservatur in Hospitio Abissinorum.

II.

EST MAGNA PARS VETERIS TESTAMENTI ÆTHIOPICI, videlicet: Quinque Libri Moyſis, Liber Josuæ, Judicum, Ruth, & quatuor libri Regum; qui omnes hætenus nunquam sunt editi, neque in Bibliis Polyglottis Anglorum leguntur.

Esse porrò hanc Æthiopicam Bibliorum versionem antiquissimam, & S. Athanasio supparem, testatur Martyrologium quoddam Æthiopicum, Manuscriptum, quod asservatur in Bibliotheca Excellentissimi D. D. Petri SEGUIER, Franciæ Cancellarij, asserens eam esse factam ab Abbate *Selâma*, Abissinorum Apostolo, quem iidem Abissini alio nomine etiam *Fremonatos*, & Martyrologium Romanum *Frumentium* appellat, minùs verò rectè in Indiam amandatum dicit, cùm in Æthiopiam à S. Athanasio Episcopus missus fuerit; testibus Abissinorum Traditione, & duobus Martyrologiis

quæ penes me habeo : prout fusiùs de hoc agitur in Historia Æthiopiæ, quàm brevi, Deo volente, in lucem dabo.

III.

EST DICTIONARIUM ÆTHIOPICUM HIOBI LUDOLFI, I. C. & Confiliarij Ducis Saxo-Gotani, à decem annis à me Londini in 4°. editum, (cui etiam Appendicem addidi) cum Grammatica, & Confessione fidei Claudij Regis Æthiopiæ. Jam verò correctum, & à me auctum, ex quamplurimis Manuscriptis Æthiopicis, quæ in variis Librariis, in meis peregrinationibus inveni, & examinavi.

IV.

EST CODEX LITURGIARUM ÆTHIOPICARUM, quem in Anglia exscripsi, in domo D. Edmundi Castellii, Autoris Lexici Heptaglotti. Suntque in eo sequentes Liturgiæ :

1. S. Joannis Evangelistæ, & Apostoli.
2. CCCXVIII. Patrum Orthodoxorum Concilij Nicæni.
3. S. Epiphanijs Orthodoxi.
4. S. Jacobi.
5. S. Joannis Chrysostomi.
6. Quæ Domino nostro Jesu-Christo adscribitur.
7. Sanctorum Apostolorum.
8. S. Cyriaci, Episcopi Urbis Behnese Ægypti.
9. Cujusdam S. Gregorij.
10. Dioscori Patriarchæ Alexandrini.

V.

EST RELATIO PRÆSENTIS STATUS ÆGYPTI, quæ modò Italico idiomate excuditur.

EST HISTORIA ÆTHIOPIÆ, itidem lingua Italica conscripta.

VII.

EST DISSERTATIO, De linguæ Æthiopice necessitate, & utilitate: In qua ostenditur quando, & quo pacto hæc lingua in Europam introducta sit; quosnam cultores, & Mæcenates invenerit; & quinam libri in dicta lingua apud me, & in aliis Europæ Bibliothecis inveniantur. Cui præmittitur Discursus de Religionis Christianæ ortu in Abissinia; ejusdem incremento, mutationibus, & præsentē facie.

Cum ergo, ILLUSTRISSIME DOMINE, hæc Opera omnia rem Ecclesiasticam non solum plurimum illustrare, sed & ea sint ex quibus multa argumenta pro defensione Ecclesiæ Catholicæ, & pro evincendo consensu Ecclesiarum Orientalium cum Romana, desumi possint; à quamplurimis præterea doctissimis viris omnium ferè Nationum diu multumque hætenus desiderata fuerint: operæpræmium duxi; TIBI eorundem specimen exhibere, Teque simul hortari, ut ad cætera Tua præclara facta, quæ pro CHRISTIANISSIMI GALLIARUM REGIS Gloria toto orbe amplianda, feliciter hætenus peregisti; hoc quoque addere, Operumque tam insignium publicationem promovere digneris: ne dum inclyta Galliarum Natio, omnibus vicinis Gentibus gloriæ palmam Heroïcis factis, & præclaris studiis præripit; in hoc solo, quod nondum Typographiam Æthiopicam habeat, etiam sibi longè inferioribus gloriâ cedere videatur.

PARISIIS,
E' TYPOGRAPHIA REGIA,
CURANTE
SEBASTIANO MABRE-CRAMOISY,
ejusdem Typographiz Directore.

M. DC. LXXI.

1103 10

2

PLATE 12

THEOGRAPHA REGIA

EXCERPT

EXTRACTO MANUSCRITUM

EXTRACTO MANUSCRITUM

EXTRACTO MANUSCRITUM





